

Rau: Ib tsoom hauv UW-Madison

Tuaj ntawm: *Chancellor Blank*

Txog: UW-Madison hloov qhia ntawv rau ob asthiv, kom cov neeg hauv ob lub tsev nyob kawm ntawv txhob tawm

Hnub: Cuaj Hlis xiab 9, 2020

Rau peb ib tsoom hauv UW-Madison,

UW-Madison tau sib zog xyuas kom muaj kev noj qab haus huv thiab nyabxeeb rau peb cov mejyig, xibfwb thiab neeg ua haujlwm ua ntej kom muaj ib co kev tuaj koom kawm tau tim ntsej tim muag rau lub caij ntuj tsaug yuav no. Peb koom nrog cov neeg paub xyuas txog kev noj qab haus huv rau pejxeem tsim kev kuaj sim, cais, thiab tswj tus kab mob COVID-19.

Raws li cov neeg kuaj sim kis tau tus kab mob ntau ntxiv rau ob asthiv tas no, peb tau pauv ntau yam ntxiv. Hnub Zwj Hli (*Monday*) peb tau txwv cov mejyig tseem kawm rau plaub xyoos kom tsuas pub mus ua tej yam thwm tias tseem ceeb nkaus xwb. Peb nrog cov neeg xyuas kev noj qab haus huv rau pejxeem nrhiav kev txhawb kom cov mejyig nyob rau ntau lub tsev *fraternity* thiab *sorority* nyob twj ywm hauv tsev thiab peb tau kom tag nrho txhua tus neeg nyob rau cov *fraternity* thiab *sorority chapters* yuav tsum mus kuaj sim saib puas muaj tus kab mob.

Qhov tsis zoo, peb tus lej cov mejyig kis tau tus kab mob nce ntxiv ceev heev. Nws tau muaj txog 20 feem pua los tshaj rau ob hnub tas los no. Raws li peb pom thaum lub asthiv tas no kawg, cov lej neeg kis tau tus kab mob coob yog cov nyob sab nraum tsev kawm ntawv, tabsis cov lej tshiab no kuj qhia tias muaj neeg coob kis tau rau tej lub tsev nyob hauv tsev kawm ntawv. Peb yuav tswj tsis tau qhov kis ceev no yog tsis ua lwm yam ntxiv. Tom qab nrog *UW System Administration, Public Health Madison & Dane County* thiab *Governor Evers* tham, peb thiaj ua cov nram no ntxiv:

- **Tag nrho cov kev qhia ntawv tim ntsej tim muaj rau cov kawm rau plaub xyoos, tom qab plaub xyoos thiab rau txoj haujlwm yuav muab ncuu thaum lub Cuaj Hlis xiab 10 – 25.** Cov hoob kawm yuav tsis muaj hnub Zwj Teeb (*Thursday*), Cuaj Hlis xiab 10 – Zwj Cag (*Saturday*), Cuaj Hlis xiab 12 thiab yuav pauv mus rau nyob ib qho qhia pib hnub Zwj Hli (*Monday*), Cuaj Hlis xiab 14 rau tsawg kawg ob asthiv. Cov kawm cob qhia ntsib neeg (*clinical*) yuav pub muaj ntxiv. Cov hoob kawm thiab caij sib tham nug ntxiv uas tam sim no nyob ib qho qhia yuav muaj ntxiv li cov caij teem ntxiv. Peb qhov kev taug qab nug kis tus kab mob tsis muaj qhov qhia tias cov sib kis no yog kis los ntawm kev qhia ntawv tim ntsej tim muaj; tabsis, qhov kev txiav txim ua no yog muaj los ntawm kev ceev faj rau peb cov mejyig thiab neeg ua haujlwm. Lub *Office of the Provost* yuav muaj kev pab, yog xav tau, rau cov xibfwb thiab kws qhia ntawv kom pauv tau sai mus nyob ib qho qhia.
- Cov kev tshawb fawb kawm rau cov tseem kawm rau plaub xyoos uas nyob ib qho ua tau yuav tsum ua li ntawm mus pib Cuaj Hlis xiab 10 mus txog lub Cuaj Hlis tim 25. Yuav tsis pub muaj kev koom tshawb fawb kawm tim ntsej tim muag nrog tib neeg rau cov tseem kawm rau plaub xyoos, hauv thiab sab nraum tsev kawm ntawv, yuav muaj li ntawd txog Cuaj Hlis tim 25. Cov kev tshawb fawb ntsuam kawm rau cov *graduate* thiab *post-doctoral* yuav pub muaj ntxiv.

- Raws qhov muaj coob tus kis tau tus kab mob nyob hauv ob lub tsev, *Sellery* thiab *Witte Residence Halls*, peb tau kom cov neeg nyob twj ywm txhob tawm rau ob asthiv pib hmo no thaum 9 teev tsaus ntuj. Tag nrho cov neeg nyob hauv ob lub tsev uas tsis tau kuaj asthiv no yuav tsum mus kuaj hnuv Zwj Teeb thiab Zwj Kuab. *University Health Services (UHS)* yuav tuaj kuaj nyob kiag hauv ob lub tsev.
- TSIS kom cov mejyig yuav tsum tawm hauv ob lub tsev los tawm hauv zos mus. Peb muaj cov chaw yuav kom mus nyob twj ywm hauv ntau ntxiv yog chaw tsis txaus.
- Caij teem kuaj yuav muaj ntxiv [nyob hauv tsev kawm ntawv](#); peb kuj tseem xyuas kom muaj kev kuaj tau coob ntxiv thiab.

Ntxiv, yuav muaj cov pauv nram no rau peb kev khiav haujlwm, pib Cuaj Hlis xiab 10 – 25:

- Tag nrho cov chaw mus nyob saib ntawv, nrog rau cov *University Libraries*, *the Wisconsin Union* thiab cov tsev muaj hoob kawm yuav kaw kiag.
- Cov chaw noj mov yuav pauv rau mus nqa nkaus xwb rau cov neeg nyob thiab ua haujlwm hauv *Housing*. Lub *Wisconsin Union* yuav muaj mus nqa tau ntawm ntug kev nkaus xwb.
- *University Recreation & Wellbeing* cov tsev yuav kaw tag.
- *University Health Services* yuav muaj qhib rau ntsib txog teeb meem ceev nkaus xwb, teem caij nkaus xwb. Caij teem rau *Telehealth* thiab *telemedicine* yuav muaj li qub.
- *University Libraries* yuav pauv rov mus rau cov caij ua haujlwm li thaum caij ntuj sov, txhawb tsev kawm ntawv lub zeem muag kev tshawb fawb kawm.
- Cov kev yuav tuaj ntsib tim ntsej tim muag, nrog rau tag nrho rau kev lom zem thiab ua haujlwm uas muaj tshaj 10 leej, tsis pub muaj li lawm. Tej zaum cov neeg ua haujlwm yuav sib ntsib tau rau tej yam haujlwm tseem ceeb uas muaj 10 leej los tsawg tshaj. Thaum ua tau, kev sib tham yuav tsum nyias nyob nyias ib qho siv xovtooj los *video* xwb.

Cov haujlwm tseem ceeb yuav tau tuaj kiag ntawm chaw ua num yuav muaj ntxiv, li lawv tau ua los txij thaum muaj tus kab mob. Cov neeg ua num nyob lwm qhov ua haujlwm tuaj yuav ua li qub mus ntxiv. Cov thawjsaib yuav tsum muab caij yooj yim rau cov neeg rov tuaj rau hauv chaw ua num uas ua cov dej num tsis tseem ceeb.

Kuv ua tsaug ntau rau cov neeg ua haujlwm uas niaj hnuv tuaj rau hauv chaw ua num thiab ua rau peb lub tsev kawm ntawv khiav tau haujlwm. Yuav tsis muaj dabtsi pauv txog cov caij *Madison Metro* npav khiav los kev nres tsheb tam sim no. Kev vaj tse qhib thiab xa ntawv thiab khoom yuav muaj li qub. Cov chaw zov menyuam tam sim no yuav qhib li qub.

Cov kev pauv no yog ua raws li lwm lub tsev kawm ntawv qib siab uas tau ncuva ob asthiv tswj txo tus kab mob COVID-19 kis. Peb yuav nrog *UW System* thiab peb cov *Board of Regents* tham ntsuam peb qhov teeb meem thiab qhia ntxiv rau lub caij kawm tshuav. Peb yuav txhawb kom muaj kev qhia peb cov qauv sai thiab kom sawv daws paub li ua tau.

CDC kev qhia ua raws hais tias cov mejiyig yuav tsum tsis txhob rov mus tsev rau lub caij ob asthiv no. Qhov no yog ib qhov tiv thaiv nej tus kheej, nej tsev neeg, thiab ntawm ib tsoom zej zog. Yog nej nyob tau ntawm qhov nej nyob, nws yog qhov muaj kev nyabxeeb tshaj. Yog nej txiav txim mus rau lwm qhov, thov uas raws [cov kev ua](#) lub *University Health Services* muaj.

Kuv muaj kev tsis txaus siab thiab ntxov siab tib yam li cov mejiyig thiab neeg ua haujlwm uas tau vam tias tej zaum peb yuav muaj caij zoo rau ob lub asthiv xub thawj ua ke rau xyoo kawm no. Ua ntej peb pib lub caij kawm no, peb paub tias yuav tsis muaj ib tus qauv yuav tsis muaj puam sij rau lub caij no li.

Rau nej cov uas xyuas raws peb lub tsev kawm ntawv cov kev ua raws kom muaj noj qab haus huv, kuv ua nej tsaug rau nej paub txog thiab txhawb tiv thaiv peb ib tsoom hauv UW-Madison. Thov ua li ua tau tswj kev tus kab mob COVID-19 kis: [ntsuam nej cov cim mob](#) txhua hnuv, npog qhov ncauj qhov ntswg, thiab txo kev koom nrog lwm tus. Rau nej cov tsis saib cov kev ua raws no tseem ceeb, kuv thov kom nej xav txog cov kev nej ua ho yuav muaj taus li cas. Nej cov cwj pwm tseem ceeb, thiab nws muaj qhov yuav tshuam taus rau neeg coob tshaj cov nyob ncig nej xwb uas peb pom muaj kis tau rau coob tus li asthiv puav tas no.

Peb txhawj txog nej cov kev nyabxeeb thiab kom muaj kev noj qab haus huv. Thov tib zoo saib nej tus kheej thiab lwm tus rau lub caij no. Yog nej muaj lus nug, xav *email* rau smartrestart@vc.wisc.edu.

Chancellor Rebecca Blank